

東洲草堂詩鈔

東洲艸堂詩鈔卷十一

道州 何紹基 子貞

九十九峯堂詩贈陳訥齋直牧

出省第三日與藕舫迂道廿餘里至平越州小住一日  
冒雨看山歸飲州署正對九十九峯因爲訥齋題其堂  
額兼賦詩爲別以誌良友雋游非可多得也

身長八尺須眉蒼和如春風朗秋霜英姿尙挾閩海氣雄州高

據黎峨鄉伍符尺籍竟瑣瑣男令植穀女課桑訥齋所至以課農桑爲先公

餘宴坐門洞啟九十九峯來此堂黔陬從古萬山會一落蠻箬

無輝光此邦況是播州壤橫貫粵黔爲戰場宜孃山頭峙古壘

武勝關外紛遺槍

國家治平二百載民苗化梗士秀良堅城削鐵前代築偉略尙

想郭子章郡閣俛睇可百里峯尖迸露無餘藏我慙持節拓文  
軫翩如乘雲來大荒平看萬嶂止一曠未許巖嶮擲吟腸與君  
聯事三十日論文道古多慨慷玉尺樓下落葉積秋事坐負黃  
花黃重陽薄游頗不惡所苦袍鳥難我忘穿山頓轡指平越老  
穉走覬驚如狂幽懷萬斛此一寫若箭離筈馬脫繯潮音閣前  
水碓響仙人洞上烟杆涼縹幽伏肖蛇玃竄躡險矯作龍鶴翔  
歸來此堂息以踵遠峯齊向空飛揚烏江一綫隱滴滴翠岫百  
笏排躑躑一峯江內意自靜九十九峯終古忙隔江招邀徑到  
戶堆青潑紫滿屋梁頑雲猛雨苦相拒雨聲浩瀚風滄浪峯形  
變滅不知處令我矯首空低昂明朝揮手白雲外酒杯詩硯皆  
茫茫

葛鏡橋

平越州  
東五里

我行麻哈江沈黝色可凜飢虬波不鳴瘞鬼石有影兩岸萬仞  
山積鐵未脫卅艸木不能芽猿鳥自古噤行人走惕息有橋伸  
若虹商民負戴過官長輿騎通白日放光氣照見馮夷宮漸見  
削壁罅鮮露融融問橋孰始基葛鏡一民耳規度三十年再  
建乃再圮工竣萬歷世四十有六祀記者張督師鱗橋成鏡也  
歟

瀾橋行館桂樹來時未花今落盡矣感題一絕

前度花無信今來仍寂然低回與汝別相賞是何年

讀吳仲雲廉訪丈花宜館詩集似有所悟奉題集後

獨物論議發詩心熱如火百紙盡一揮其疾又如荀先生歎謂  
曰子才何不可顧能驚四筵未信適獨坐微論屢已快一編欣  
示我根巨本閱淡椎鑿入細磨奇藻削繁蕪洪波涵澹沲忠孝

關大節風土陳細瑣精心一縷繫菊魄萬象裏許我挾卷行歸  
裝壓飛舸沈吟日百徧寒鐙墜花朵所獲良已多策勵自信頗  
始悟坡老言守駿莫如跛

望飛雲洞

山山紅葉易斜暉遙認孤亭出翠微慚愧山僧迎馬首客心今  
似白雲飛

諸葛洞

偏橋

諸葛之洞三洞複石骨橫江不生肉回波激疊風輪轉石齧舟  
輕難入腹弛篷曳舵敵側過漁舟一葉多委佗欲使順流通大  
舸人閒再有郭青螺

鎮遠朱綬堂太守蔣星坪明府丈邀游文昌閣飲太守

署登舟有作

郡衛雙城夾岸懸危亭東指楚江天傾餘苦酒花撐屋送盡殘

秋客上船鄉癘齊飛千里外太守廣西大令湖北學奇災槍舌

七年前道光十八年大水城屋人民荆揚近事勞神想水信曾

無一雁傳今年湖北江南大水不知近日消息如何

難行

犖礪十日行重累萬山裏雨路亂亭埃宵旰睇篝火昨上獎州

船心穩寢亦可清晨解纜去灘走疾如筇長年呼何戾僕于魄

已墮顛倒誰使然百事非由我聊可擁絮眠天地一螺贏

山下千里江下千里山荒山載亂水百里爲一灘舟子老狎

浪舫多盤桓耳目所不及平地森神姦泠泠一丈水詎有蛟

龍蟠

山轉灘正拗灘吼風又作風力脅灘起百丈不可落聲喧百雷

寔白舞千鶴，鶴扁舟赴的。猛不費半篙，著十里一睛開。瞥似輕燕掠，念彼上灘人。何處穩船腳。

危石吞我舟，舟小何足餌。一篙點欲飛，石怒忽成塊。巖間古樹露果赤，顛媚山猿夜夜來。飢涎溼通臂，灘聲驟如雨。雨候忽已至，石上雲團團。一白掩嵐翠。

晃州謝家菱亭通守贈硯

澈浦燕子潭，石近日好事者。始琢爲硯，菱亭官吾楚所。至椰桂辰沅，開皆得硯材。謂澈石爲尤勝，茲招飲晃州。署齋持硯相贈，且爲銘曰：燕潭石美，莫倫官雖薄，贈與君堪滿。筆用傳經，鄙人向不受。人硯意有難，卻走筆戲。

謝

靈石有胚胎，全山共筋絡。上吞青霞光，下插黃頰腳。文人恣蟲

雕澗岫被餘虐椎琢強名硯方圓見規郭元根脫巖坑怨氣嘯  
猿鶴頗聞端歛閉日見壑源涸龍尾與鳳喙粗材徒眩襍荒荒  
燕子潭僻遠辰淑託蠻山莽迴互元化固肩鑰燕來山花開燕  
去山葉落萬古不及洲百仞潛伏餽山中避秦人書契付刀削  
鼠須空復健虬松老不灼何況巉巖懸俛睇但躩踏詩人苦好  
事樵徑導野徇丁丁斤斧集苑苑繩尺度強從墨者游枉助俗  
書惡從茲潭水渾元狄不敢濯駝卵驚墜巢驪睡暗移壑葦亭  
老宗兄道性最渾噩觀其咨事誠實與元古酌見示從政筆記  
無非實心實事  
奇癖有鍛屐繭足飽嶮嶮郴衡辰酉鄉百壁壓枕囊漫詡載石  
廉未恤混沌鑿交君四十年垂老愈蹇謬石腸清自堅硯田秋  
少稜相逢古夜郎宴笑語無諛愛我無可爲贈硯比金錯謂足  
資傳經意重非宜卻平生論石交汎愛不如約一硯從吾游內



潤外皴皴研文故山隈校字天祿閣清波飲湖海靜翠分衡霍  
汝壽踰龜苓人事等螢爛漫云傳子孫此語吾尙作今晨復置  
此搔首無住著君從荒山來詎忍文字縛新添竹石趣恆苦化  
工薄藉君神骨朕助我臂擊弱峯嵐染霏霏煙雨生漠漠近日偶學

畫竹石

### 沅州贈李倬齋廣文

跌宕論心奇抱開呼擲重與語燕臺淡山九載孤罷坐篲雨三  
秋候雁迴白芷年年懷古意黃花朵朵傲霜才士林根柢關培  
護多少元亭問字來生徒從游者甚眾

### 謝篠莊署齋兩飲五鼓始別

我友迎江上扁舟下晚灘花前一夜醉雨外萬山寒人語頻移  
燭天風入整冠舊時栽竹處溪護萬琅玕

次韵荅楊性農親家

秋風吹歸心汲汲念將母遙隨天上月曾向燕臺柳黔山奇無

窮亂翠滴馬首雨冷秋辭船

立冬登舟

灘轉夜失斗颿遲翮已捷

擢猛瞳復後一笑入鼎州竹枝聲在否欣逢吾性農新詩揆懷

取清微到孟六麗密儕元九下言迫簡書上言富新標慰藉解

飢渴期許重山阜君家百年屋青山繞書牖檐茅添雲衣庭花

斂風帚慈闈初白頭中婦小垂手總為吾家婿嬀跳戒母忸名

門凡鳥無筆力虎兒有未造子雲居况翦處士非聊資官燭爛

紛綸指助口時事斟是非鄉俗論好醜今年雖水毀茲土幸熟

酉坐慙老農圃斲亦躬鋤日卻思窗梅開又逐沙蓬走出處事

難卜天地側身久我先君北行鞍履磨定朽良朋日下聚多亦

君所厚栖遲佇德輝浩蕩客才鼓薊門煙樹春酌我花下酒

君擬

於冬仲計  
偕北上

楊紫卿齊年兄久主永州講席十年不見忽相晤於武

陵狂喜有作

子貞忽聽紫卿呼燻炬騰花酒笑壺半世論心詩裏有今宵見

面廳中無齊年契合如棠棣招隱情淡枉畫圖於扁頭畫意

氣依然能倔強溪山病鶴不知矚君近年多病今乃甚健

未妨木雁偶參差追逐雲龍更弗疑儘有悲歡十年事妙無談

議兩人詩奇山影落春星閣瑞露光分太液池塵海升沈真細

專性情風義要扶持春星閣詩集已付梓

跌宕燕臺共嘯歌舊游說與涕滂沱老成漸歎乾嘉少謂先公及陶文

授李春湖侍郎新鬼還驚鄭鄭多謂吾鄉陳雲心夏亦卿采筆有人虞

日月狂瀾何計挽江河當年感槩銜前集高枕何曾穩薛蘿

我讀騷詞愛遠游君能作賦早登樓  
兩人足跡輕天下千古詩  
懷在永州道士嶺頭同看雨  
高風亭上快尋秋  
屐痕輸與重重  
印未肯前盟負白鷗

至武陵將易舟而輿熊錦峯大合同年連日留飲賦謝

輕舟直壁萬山來江樹平看翠作堆  
佳約竟成三宿戀清尊未  
厭百回開煎茶餘興還譚菽錦峯分枝  
甫回署製錦清聲總費才  
盡道  
武陵春色好甘棠桃李一時栽

桂柏

大龍驛前古雙桂清化驛前古雙柏  
清風連延五十里鐵幹突  
兀三百尺月露秋爭金粟香  
雪霜冬遊鬣龍脊傳舍從來閱使  
星蝶蕤螢葉難留跡柏兮桂兮誰  
汝植意慮淡遠非促迫森然  
動我歲寒念此心未可爲形役

次韻答湘皋丈題蓬樵老人畫湘山卷子

躡屨京國別鄉里都道瀟湘好山水吾家澗湘兼澗瀟更在源  
頭最淡裏黔游裹畫枕几閒古墨潑出今日天安得一身化五  
兩乘風徑附東歸船丈人齒德鄉三老楚風千載張幽渺些蘭  
頌橘遺芬芳晉鬼唐仙佇莧討沅湘耆舊集已刻成時方補輯前編

望九子嶺

九子嶺者先文安公葬處也自庚子春仲見背秋仲扶  
區南行冬杪至長沙卽出覓地跋涉三閱月不可得一  
夜寢與三五兩弟行山野閒遇石碑刻一女開九子五  
大字磨而思曰得無地名有九子乎適門人楊鐵星來  
言乃翁憲先公至其家乃翁問佳城何在曰在瀏陽鐵  
星又言一女者非諡也字乎友人李載庵習青爲家

言於近邑游迹蓋徧因以詢之則曰湘西吾所家也五里外有九子嶺恆所往來未見有善地余曰既有是嶺地在是矣堅挾與俱往始一二日藪足荆莽中無所得一日五鼓行至天明延緣至一平岡豁然開朗心覺有異余曰是矣載庵亦首目矚兩輿夫嘖嘖稱善余顧曰汝何人亦解是乎問其姓一劉一楊也余意遂決地主人鄭氏初不知余爲何人成契後始告之其父子咸詫曰自去年三月來山上恆夜有火光村里驚救迫視則無之如是者屢屢今蓋驗矣閏三月得地四月卜葬余居墓側造墳垣立享堂恭勒

御祭文暨

御賜碑文立於享堂之前楹儀徵阮相國師所撰神道碑銘

東沙州堂詩卷十一  
立於內楹置墓田種樹至歲底而事畢次年服闋由江  
南奉母入都供職別墓以來忽忽三載黔試甫竣長沙  
友人唐印雲書來謂我必歸諱諱延佇卒以迂道往返  
須耽延月餘請假不便省墓莫由悽懷惘惘左右百端  
拉雜成詩聊攄思慕云爾

青青九子嶺秀出湘江右白鶴山西南來九子之所母尖山連  
谷山到此兀回首嶽麓見乎離牛峯位在丑孤兒艱難歸曠野  
匍匐久寒雲伴荒眠苦雨逐疾走百採不一獲痛淚祇盈斗異  
應示孽窠嘉名識崇阜兒癡父見憐漆暗相指誘驚傳篝火祥  
果有山神守窳窳痛已下畚畚勤自負艸土墓側臥呼號問安  
否父子五尺閒永隔大地厚祭葬

賜飾終

天章炳彝貞崇銜美謚兼異數信非偶當代儀徵公三千言不  
朽伏石兒自書不敢倩他手穹碑日照宇享堂月開牖來雲屋  
重楹聽水田十畝環植松桂竹亦有檀與桤野梅十餘本移種  
大雪後寒花半月開奇事驚孺麥願惟俛仰際未易終巖數痛  
哭別墓去慘澹復何有灑掃仗山農護視屬良友謂印東望光  
祿墓琅谿水清瀏怡怡老昆弟千載猶比耦伯父健國公葬湘  
江東之蚌塘距九  
十里子嶺入一坏主簿墳五里聞雞狗天性有巨孝地下孳新婦子  
弟及其原配李孺人墓皆於兩兒本一身中道慘割割陰靈悵  
是年卜葬距九于嶺不遠吾艱扶助若臂肘三年續史職八旬奉慈壽時事波濤折喧聒  
到盜缶亦思效涓壤豈謂戀組綬艸堂雖無貲滄錢慙世受故  
山藹吾胸歸語難出口

使命速小臣



宸慈念耆翁

韓船學士諱對先公荷蒙

恩召鞠躬

思貧裘竭力事薪樵玉

尺別層樓扁舟下二酉船頭望湘山雲樹莽紛糾天空祠墓寒

積葉誰秉帚故人愛我甚埽榻儲老酒使職乃羈牽慈闈況催

趣歸心似寒雨挂徧荒浦柳又如米在春萬杵不出白沈思天

地窄漬淚席枕垢哀鴻失其羣飛渡雲窺九狂風激暗浪爲我

終夜吼

津市行贈蔡玉山前輩

由武陵登陸行一百六十里因水隔不可行仍至津市

登舟玉山前輩自澧州來晤敘飲極歡夜分別去蓋不

見又四年矣

洞庭湖八百里西吞瀆沅江南受瀟湘水使君持節領全湖如

此好官真有幾蔡侯起家由蓬瀛中閔水部詩名清郎詩名雅

居言職諫紙流傳有直聲朝陽噉鳴鳳南極翔雲鶴居然榮  
照森凝依舊巾幘能灑落昔年乘傳問海陲與君蛩駟同驅馳  
朝看泰山雲暮聽金焦雨姑蘇臺畔懷鷓鴣夷巖陵灘頭弔皋羽  
江郎之石何厓屨仙霞高關切雲霓游跡愈縱意愈奇君皆有  
畫我有詩二十四幅紛淋漓當時我到君未到惟有杭州西谿  
崇安武夷至今畫燈少此幅何時爲我一補之畫其所詩詩所  
畫古今南北空流派風月清尊盃古懷江山使節畱佳話人事  
浮雲多變遷人心明月不難圓我著麻衣別京國君褰高幃向  
湘天定王臺下曾相見爲余盥洗淚痕面燕楚無端又別離聞  
吳聞道頻征戰今夕是何夕今晨是何晨雷琴忽會合龍劍有  
精神我行兀兀武陵口貪看紅葉穿林阜翩然復上澧州船相  
見狂斟津市酒高軒遠道來逢迎如君古誼今安有欲知頭上

髮試問鏡中光，鏡光閃閃千年月。鬢髮差差一半霜。我生不願  
高官職，亦不願君陟槐棘。卽今篋篋妬才名，自古神明依正直。  
君不見，落木無聲滿洞庭。楚歌催起臥龍聽，歌聲入破龍驚蛭。  
惟有君山到曉青。

由澧州至荊州舟中作

洞庭遙指片雲東，多少田廬付水中。太息人煙何處去，風飄歛  
側入虛空。

水意倉皇竟失歸，誰分官院與私園。良田化作蘆花海，鴻雁飢  
來更不飛。

江村小樹逐濤波，大樹爭強騰幾窠。水齧淺根枝葉苦，不因風  
落本無多。

閒卻耕牛罷服田，尙貪青艸向湖邊。一年筋力渾無用，瘦到兒

童不忍鞭

泥溪州淺稻根陳長徧金顛白玉鱗價賤魚肥休見笑今年幾

箇買魚人

秋前雞犬雜魚鱗聞說城門買權過兩月縣官船上住靜思民

氣定如何

公安命令  
尙居船上

五日何曾見縣城泊船無處計郵程夜來寒雨難成陣篷背蕭

蕭雪打聲

生客來前競嗅衣可憐荒犬見人稀幾閒茅舍高於水莫慮雞

雞習遠飛

題王蓬心先生永州畫冊

冊爲同年吳次平郎中所贈所畫浯谿澹巖白蘋洲黃  
葉渡高風亭綠天庵司馬塘愚溪共八幅皆永州景也

兩閒清氣所流時水波蕩潏山嶢嶢吳越秀異吸靈海秦蜀奧  
峭藏神泉奇觀豔景豈不好非可攜取左右遭衡雲九面湘九  
曲畫稿託是天公描幽奇古澹不可說雲嵐水石清相交水光  
石氣共一靜塵想道念能全消紆夷折疊徑千里吾鄉潞湘兼  
潞潞潞谿月巖在吾戶真儒所出萬象包惜哉早歲別鄉邑屈  
指幾度停歸橈壯游知費幾兩屐故山竟少三椽茅其閒佳處  
頗知領如腹乍果蘇積朽又如真仙古佛國經年一造神骨超  
同年吳君世蘭綺文章氣誼託久要餘事荆關活擊底善寫湖  
雲龕赭潮知我詩心在湘浦如其吟詩多嘗茗蓬樵畫妙枉持  
贈君誠有美無吝驕半生鄉廩厚如霧一旦得畫全融銷尋山  
謁寺必挈玩枕藏袂裏忘疲勞畫中諸境盡曾到兩踵自詡輕  
猿猿白蘋洲連黃葉渡高風古亭風最高塘邊藕花笑司馬使

愚谿愚徒解嘲澹山巖煙宋士墨綠天庵卷唐僧蕉渚谿蒼蒼

打碑處凍雨尙自悲前朝搗成七字不可復磨厓百丈皆動搖

昔年冒雨手拓中興頌止得匹馬北方獨立一七字而已此景此圖匪形似有骨有韻相和

調漁舟歸晚自依樹樵風徑絕先有橋煙村霏霏日隔嶺野寺

莽莽雲來巢忽成一片不可辨我能象曲分秋毫屏除繚緝謝

鉛者紙本筆善藏穎黑喜焦孕舍卷軸見毛髓師友造化從招

邀餘力更寫帝子竹斜風直雨垂煙梢縱橫題句盡樸逸書務

守駿詩無妖開後畫竹并自書詩吾生所嗜山水畫昔者思翁後蓬樵思

翁微尙祖迂交壯年持節乘楚船洞庭以南入屏幃此後骨潤

神姿饒至今華亭舊燈出半自楚雨官篷敲二百年後王永州

高士作郡酣逍遙煙客麓臺有家法古意獨接靈均騷掀髯潑

墨狀萬象山鬼獯獯皆奔逃董前王後若合契堂上雅樂球應

飽不辭孤賞

晒阿好

余之嗜嗜蓬心友人或以爲偏見

文沈憚羅皆可祧憶昔

作郡十稔久先公受知當齒髫

時先公郡

師恩感念貫華皓遺

墨購訪珍瓊瑤楹積有五六幅時敬展視容無佻當時學使

錢昆明

先公補弟子員出

書摩顏壘剛不撓兼能畫馬寫懷抱

正氣凜凜騰煙香師乎師乎典型在先公往矣傳兒曹可籤玉

錢南園通參門

軸謹題識遺笏傳硯同藏韜誰期此用晚到手厯厯恰似圖經

標正宜披拭使欣賞又遣畱連成鬱陶先公在官四十載晚年

歸思如波濤

主恩難報山嶽重天風遠折松栢喬卽今披圖數遺跼想見負

米乘谿舫艱難孤露萬慘澹谿泉澗樹同飄蕭小子生來狎邨

野耕糗合置春陵坳猥承誦芬點行列笑同銜羽棲樊籜鄧變

揚侯辱我愛新詩苦語勤相招使舟恰從澧浦泊歸路好向西

湖鈔顧瞻簡書成還縮日展圖畫爲游遨

鄧湘皋丈揚紫卿兄皆以爲必過里門豈

知出使非請假不得擅歸也

吾鄉數典有維次衡疑吾志當重雕衡嶽九疑兩志久未

重修脩余藏宋大令黃重脩脩脩志亦未刻

元銘柳記止百一況此隘幅多從拋烏乎

老毅如可作尙可攬奇接遁鋪生綃

先弟于毅畫山水入逸品

公安舟中阻風次韻戲作爲藕舫學士解悶

硯山晨起煙漠漠知有打頭風浪作風聲得氣一鼓至浪影如

人千隊躍憶在黔州秋不雷一夜警枕聞虺虺

黔關中一夜大雷電皆常謂可

瘳疾廉纖料峭五十日冷吟閒醉興未摧今日湖舸走曲折正

堪倚舵遲初雪烏雲如山頽不怕紅葉隔水豔殊絕量度事勢

宜少安閉窗自暖開窗寒滿湖飢鴈何須問一指瘦魚差可餐

歧中有歧乃至此且喜江陵無百里明朝試挂順風帆容與中

流去無駛



荊州渡江晚泊

西山日落散輕煙，風緩波平人悄然。  
淺淺蒲颿宜晚渡，蕭蕭漁火是荒年。  
一行雁叫有霜夜，萬里星明無月天。  
瞥眼江南過江北，新寒忽到短檣前。

李戡門觀察畱飲

荊州西南萬程隄，乾隆年閒大修築。  
六七十載保障堅，水齧隄根漸奔突。  
前年漫隄江入城，今年隄敗災更酷。  
城中高處水一丈，官衙闌闔同一浴。  
何況平曠與窪地，漂洗田廬裏人畜。  
邇臣入告

恤詔下命仿黃河下菱竹

江工用埽工前此所無

我來已值冬氣斂，城市

蕭條水端縮，故人持節枉江滸。  
苦酒持勞鐙影綠，仰看屋壁懸水紋。  
尙訝蛟龍此閒宿，自從洲多江水淺。  
夏潮秋汛無收束，江

北官隄有人問江南民堰誰計錄比年水毀多流離況有餘力  
事畚揭若非北溢定南浸鼎澧卽看入江腹我思隄堰維繫同  
何苦官民強分屬扁和去後上池竭爲治耳聾盲厥目藥石不  
異偏師攻本根孰冀元氣復醫人醫國無殊理壑海壑鄰貴壽  
熟酒味荒寒難醉人且睇蒼天嗅殘菊

新野韓春卿大令兄許示新得畫卷酒後忘卻

好山都是畫讀畫卽看山誰遣瞿騰過渾歸杳霧閒雪鴻飛太  
疾蕉鹿寢俱刪夜月橫枝影天公小破慳

次日行館  
蠟梅盛開

榮澤蔡膠塘明府署食黃河鯉甚美膠塘云以鱗尾皆

赤爲驗

河流終古濁魚味足脂膏柳貫煩賢宰盤空愧老饕雪腴雖可  
貴頰尾實因勞感念無端發狂風又晚濤

安陽行館

丁亥夏與先弟子毅訪碑過此今日賣碑人尙有聞風  
至行館者然無片墨可存也適牛鏡堂丈由河上寄書  
來問近得佳拓本否感成一律

十八年前屐齒痕賣碑人有幾家存心披金石安陽志癡到底

階賣辭軒

丁亥年秋汴中得宋拓辭少保書  
信行禪師碑因題其軒曰賣辭

尙枉尺書詢翠墨

不堪游迹愴鴿原打冰又渡漳河去

漳河冰凍須  
打冰乃渡

銅雀臺荒落

日昏

迂道至孔雀庵夜宿邢臺行館作

一抹斜陽已到鞭馬蹏輕趁晚風偏森森古木非官道汨汨波

流認水田

看竹句留孔雀寺談詩問訊野狐泉

陳笠雨大令云  
城北野狐泉東

詩處頗教溝洫勤疏導未讓江南十月天

真定訪梁氏蕉林書屋晤石川司馬老屋僅存收藏久  
曠尚餘蕉林書屋圖冊廿四幅耳慨而有作

聖人龍興大涵育先代儒臣悉甄錄近畿文藻數誰家梁氏雕  
橋孫退谷買書日下海王村近接孫公前後闕少宰風流零落  
盡西山子姓幾人存真定梁家經世變名山別墅仍幽蒨貞敏  
而還支定前世簪纓萃華選儒雅羣推勝國賢迴翔更數  
熙朝彥千章喬木上干雲萬卷賜書長守硯梅村昔賦雕橋莊  
君恩世澤紛鋪張但知蟬冕百年盛豈識芸籤奕葉香子孫柴  
戟從凌替祖父締緗漸佚亾新詞空說棠邨好記錄終輸北海  
長圖書聚散知非偶老屋橫斜無十畝濡染蕉林廿四圖護持  
賸落元孫手

石川為蕉林元孫

兩朝文獻重裴回古佛無語余心推

是日

許西園大令遊游大佛寺滹沱河水淘沙去大茂山雲橫馬來

定州

行宮觀雪浪盆恭讀

純廟御製詩碑敬賦用東坡原韵

先皇西巡萬馬屯父老蒲伏瞻

至尊

文思稽古發神藻古跡盡破塵靈昏東坡雪浪石與盆不知翳

味誰家邨臺臣鑿石得形似屹峙

行殿如塞門徵圖先遣屬車彥

題句上招詩老魂

庚午定州未至此

御製詩注云丙寅冬經惜哉銘

字傷嫵媚不模不範失本根頗聞楊蠶石與魏默默曾見前朝

蠶蠟痕幾時兩本一到眼闊落細麼詳討論不辨霄征持葦炬

一任落月欹金盆雷門布鼓仰

撫抱小臣敬佩長思存

有云雷門如鼓子綴言  
御製和益石詩

訥近堂制軍丈留飲索書

行程暫與憩驂駢半日淡談易夕暉節院開尊寒菊豔材官磨  
墨瘦蛟飛諮諏驛路新秋稼問訊江頭舊布衣

席開問及多  
介緩磨辛苦容

我疎狂偏喜極愛才今日似公稀

題八大山人小鳥圖爲謝信齋作

蓋兩小鳥相對不飛不棲鳥外皆空紙矣上題詩云西  
洲春薄醉南內花已晚傍著獨琴聲誰爲挽歌版橫施  
爾亦便炎涼何可無開館天台山山鳥爲門徒甲戌之

夏日畫並題

我生愛畫怡心魄旁觀不解名之癖沉水千津不買船游山萬  
仞休費展夜郎使節七千里詩卷峻嶒山影積山山水水眼過

空畫理撐胸莽騰擲玉井宵游雪浪湧節樓晨醉寒暄炙十年  
不見見先笑信齋老作諸侯客嗜書耽畫與我同聞我足音手  
加額掀囊倒篋不肖秘止許誇揚無貶摘濡毫澹靜氣爲斂潑  
墨狂豪舌先咋忽手一幅故吝示謂是精能最奇劇發緘何處  
小鳥來到眼省是王孫迹不畫峯巒及亭舍亦無竹木同水石  
雙雛栩栩勢欲動令我清風快生亦不勞阿閣明九苞未羨天  
池搏六翮和鳴似喜春雨潤對舞還貪午陰碧墨無十點筆無  
轉鳥身盈寸紙三尺三尺之紙天地寬萬里虛明日月白王孫  
遭際是何世神州陸沈行路窄琴聲歌版有誰問天台山春冷  
蕭索託心微物不自知放眼太空聊一適生逢清平吾與子畫  
卷鋪排月照席卻看毛羽挾飛動暫解衣巾憇行役信翁信翁  
能信天眼中富貴真雲煙太史周南苦畱滯司空城旦長磨研

乍喜著書瓶有酒又愁買畫囊無錢我官柱下史例迫不敢筆  
削誇聖權煤麝從來兼苦樂焚籠未免猶羈纏安得與于化雙  
鳥恣意嬉翔雲海邊

信齋復見示高陽孫忠定公畫高節書院圖別後故題

卻寄

高陽城西王氏里魯連先生遺墓址高節高於萬仞山照見清  
河東去水講堂初啟王孝廉戶冊旋題鄒學使惟公作詩有微

尙乾坤紛難閒身倚

公作高節書院詩云  
乾坤紛難閒身倚

更將煙墨寫圖障山

崇崇兮水瀾瀾怪石干雲正氣淡喬松映壑清風起想當搖筆  
煙雨寒呼之欲出神盤桓一腔忠義憑濡染百世英靈此鬱蟠  
惟公幼負經時志拒馬飛狐入游記啟沃無慙日講筵重關早  
折樞臣議自請督師有幾人立營開屯爲久計再起再蹶非容



謨太息長城爲誰棄半世登壇報國勞餘生闔室捐軀易捐軀  
蹈海何難哉義輪誓與揮戈回成功垂敗知關數高節同心苦  
費才謝侯北游得此幅令我點墨生餘哀便擬芒屨向山院尋  
碑去埽荒莓苔大招更問太師里公乎不朽魂歸來魂兮歸來  
世非昔海野盞盞天容開寒潮自撼田橫鎮亦在落日還明郭  
隗臺

廿六日入城宿楊墨林寓園廿七日復

命後抵家作

策馬蘆溝望

帝鄉僕夫先喜閣行裝新霜夜肅園林氣瑞靄晨曠

日月光

垂脊先臣

清問渥

敷文邊徼

聖謨詳聯鑣惆悵成揮手情話迴思驛路長

謂幕

弟姪喧呼使者回半年慈抱一時開卻看行役兒增健更喜傳  
聞士盡才過眼關河如臆醒環階笑語似春來圍鑣已是銷寒  
候良友遲留雪夜杯

高星農黃壽臣李竹朋龍蘭蓀孫  
爾檢王蔭芝匡鶴泉均來集飲

東洲堂詩鈔卷十二

道州 何紹基 子貞

題瘞鶴銘寄還楊龍石乙巳

龍石老兄寄示鶴銘有華陽真逸四字及不知其紀也  
五不全字此尙在張力臣作圖之前乃水拓中之至古  
者有松齋印三處知爲江還谷藏本題籤瘞鶴銘三字  
卽還谷書後有義門朱書小字引證鶴銘益見當日傳  
賞撫摹一段妙緣也嗣歸毛氏意香今乃爲龍兄所得  
不遠數千里從令弟漱芸孝廉處寄我索跋余於此銘  
曾三次手拓最先爲道光壬辰冬仲冒雪打碑致爲得  
意旋晤龍兄見示水拓片幅歎爲希有嗣後得見王寢  
樓宋芝山翁單谿各藏本大約俱相頡頏此本出則前

所見者皆其後矣鳳芝龍水信爲瑰珍龍兄所獲佳拓  
往往寄贈今於此帖亦似有息壤在彼之意展卷懷人  
神思飛越雖相望二千里不啻一室一几一壺一鏡掀  
髯討論也

我昔渡江冬揚船笠戴大雪拓鶴銘登山瞻之疑有靈雪色石  
氣交晶熒以手捫拂如天星指皴欲墜擊不停凍字蛻出神勝  
形灘虜汗漫藏娉婷大似水拓墨脫零至今尙帶江濤腥泊游  
吳門舟一萍遇龍石安啟鑄局有十許字懸茅廳是真水拓畱  
古磬從此吾目辨涓涇瀏覽甄錄識典型寤樓蘇齋如尹邢考  
圖索證頗足聽課虛求寶殊畦町欺誣時復佯惺惺龍交別來  
春七經欽風竅道雜醉醒賴有尺素通丁甯時邁古墨逢新硯  
輒語我詳開其冥今茲季春舒一奠滄江虹月照吾庭發緘仿

佛浮中冷臥波倒瞰石腹青華陽真逸神亭亭不知其紀胎禽  
齡四字七字珍玲玳如龍銜珠鳳粲翎今宵飛栖吾幃屏來書  
滾滾水寫瓶更致懇曲煩脊合要我題記鐘撞筵作速寄歸疾  
如霆先生懷抱涵岳溟今來古往風中螢彌勒同龕聽塔鈴靜  
觀萬象真蟪蛄此何長物愛所丁未免滓礫淆淵渟似此諧語  
非不經古光萬丈舜疏櫺懷哉彼美榛與苓

君方  
寺居

龍石藏雪浪盆銘舊拓本屬它人者十餘年今乃復歸

蒙許寄贈先用坡公韵作詩索和喜而有作

定州驕卒千帳屯公來使知軍府尊綸巾轉復見閒暇奇疆坐  
對忘朝昏天然雪浪空際落勢欲捲盡千山村掀髯一笑特戲  
耳製銘題齋寂閉門我行中山訪遺蹟千載秉燭招詩魂摩挲  
銘刻歎非舊者古何處尋崖根

去冬過定州天已昏黑然燭  
行宮觀雪浪盆新刻本

餘三字肇窠勢想見萬珠飛雨痕

雪浪齋三大字碑尚是原刻

君從何處得

古本鶴銘水拓堪竝論我雖未覩真實相誦君詩如月映盆厲

錢翁蔣不可作天涯二子時相存

樊榭竹汀覃谿心餘皆有雪浪盆詩

別來積思如雲屯暮雲忽忽持空尊每逢佳拓輒送似洗眼一

谿塵土昏十年居近清闕閣末疾暫返壘礮村

若於去年四月末疾由姑蘇回家

一谿流水雙柿樹圖書圍几山照門平生長物復落手珠還璧

歸香返魂欣然許贈乃到我解脫流轉原無根預排三丈雪色

璧已現一規寒月痕安得龍窠同載至互出金石文快論高人

愛石固有例顧珍厥楮忘其盆語言文字何可少古情萬劫懸

茲存

楊漱芸見示雪浪盆詩用原韻奉荅時漱芸由東河帥

署來應禮部試

蹇焚墮竹萬卒屯仗節塞河推王尊幕中上客吾故友千里北  
上車塵昏粗衣破帽動驚俗目看城市如荒村不賦河清向金  
陛苦吟雪浪關籬門吟成見示一大笑奇氣空出光魂魂我與  
阿龍金石契妙緣未可求其根扁舟擬結簑笠伴苦酒共洗瓊  
椎痕華陽真逸雪堂愛二千年中來討論如君自有玉界尺竟  
可拄倒芙蓉盆龍貞奇癖何足羨晝日賴君鴻筆存

游龍杖歌敬次湯敦甫協揆丈韻

游龍蓼也有高丈餘者丈人忽出新意暴而髹之以爲  
杖甚輕且堅於抹老宜竝作游龍杖歌命諸門人和因  
吾母病足惠賜赤杖敬賦奉謝

東華之東公所廬寒節置酒招我娛揚摧文囿揆道區端坐清  
言忘牀敷壁閒植杖色黝朱公扶而步輕若鳧徑移遠梅三四

村對年看勤百物肅持村遮手物有飭文章志節道不似泥水  
詩卷多踟躕一日在過觀黃忠端湯文正公聞吾母病在跼高

年未宜惡石鉏正可緩步春風扶特惠一杖澤不枯如藤如竹  
如玳瑁其色孔陽丹雘塗足傲鳳尾唾龍鬚參兮參兮爾雖得  
氣能芳蕪水國根節原虛疏紅葩紫莖暫亦都風橫雨驟頹而  
趨一旦能令柔氣除左右君子襄勤劬山中老人應長吁貞心  
勁節何時無頑樵入山薙艸如穉松初柏隨樽茶安得愛護此  
杖俱偉爲隆棟臨金鋪喜公身還神于于樹人樹木才同儲更  
感厚惠北堂須鐙前穉子同咿吾夜雨畦花來畫圖時令兒姪同作

陳梁叔孝廉癯游精實山圖

青鐙鐵硯幾春秋纔得名山癯裏游若問如何精實法真形還  
是閉門求



藉晚風支妝殘碧玉如眉黛  
糝徧黃金賸色絲到底風流能不  
減未妨重唱柳枝詞

連番絮果與蘭因有客南來錯卻春  
烏榜忍拋湖上路青衫新  
染帝京塵題詩驛壁行行翠走馬  
銅街字字人難得舊時清興  
在臨風总是客中身

願將柳綾繞離門繫住鷺兒燕子  
魂激灩金樽畱晚照春容綵  
筆寫秋痕不嫌冷澹高人意容汝  
疏狂造物恩自有冬心飽冰  
雪又看煙絮趁春溫

劉寬夫侍御招同鄂松庭前輩戴雲  
颿喬鶴儕蔣心香  
三水部王子壽比部集天咫宦賞  
菊竝觀謝文節公卜

卦硯傳青主食棗帖

今日晨起尋菊花虎坊橫街三五家  
主人高臥都未起穿圍繞

樹鶯栖鴉曉光清思曠無際我自數徧枝橫斜宦翁居士折簡  
至告我園菊爭輝華午廊走看最奇豔日氣照破千寒葩黃蕤  
正色不可逼丹碧異品如散霞修篁高松互掩映異書名硯同  
賞嗟疊山真山如可作一笑未覺千劫奢偉茲日精孕金性其  
節正定其德嘉氣味宜於鼎彝近精神更藉琴尊加自菊之外  
皆菊有沈古澹泊不可誇惟其有之是以似宦翁於汝無疵瑕  
長安花事疾如火開落代謝紛及瓜獨抱秋心貫冬節澹交久  
故邇愈遐疏枝冷藥爛相映酒龍詩虎恬不譁卻看門外車馬  
色紅塵十丈爭逃遮人邪菊邪其一靜令我念慮無由邪覓詩  
一字不可得未肯綺語俱擗擗煩君靜坐寫花影佐以竹梅蘭  
蕙芽天然粉本應記取枝枝葉葉晴窗紗時索君畫

琉黎厥火神廟肆因宄不得游十八日始至廟肆散矣

乃得蓬心先生畫一軸兼有陸篠飲汪韓門題句次韵

志喜

丙午

新年廟肆百物萃奔湊士庶來侯王就中畫幀積成阜意廣雅  
糝齋短長楮縑濫把丹墨染題跋更矜瑜錦裝惜哉百娛不一  
靚俗眼自眯塵沙黃我來後時廟肆寢狐兔盡千圍場意行  
目涉觀此畫街前疑立頭屢昂追思蓬樵下筆始紙上先有煙  
雲蒼萬形涵茹入靜妙含毫一笑天茫茫水回山轉不及住拙  
哉鞭石勞秦皇攜歸越宿再展觀初曦舊豔升樽桑數聲欸乃  
起何處懷鄉望遠增仿徨門前車馬寂無影窈落樵徑攀漁牀

蓬心先生畫大都  
皆吾鄉滿湘景也

題朱建卿保石圖

雲谷書堂吾未到詠花詩舫侍游頻丈夫氣壓千峯小合子才

兼百璧珍冷抱奇礪撐雪骨澹將古色關松鱗社公酒熟同斟  
酌醉入當湖煙雨春

汪篠珊同年將歸省出壺園語別圖索題

當年持節過吳門讀畫談碑遇哲昆

余於己亥使閩旋始晤斌芸

圖畫翩然

來眼底風光忽復到壺園歸裝整頓春程騎遠窈先開夜雨尊  
渺渺余懷最悵故人多少在江村

次韵敬和潘吳門師相除夕詠瓶菊

金英不逐九秋殘廣廈從來大庇寒欣對日精浮柏醕靜調元  
氣卻芝餐風霜自抱春心在桃李爭將晚節看更有占豐門外  
景雪花如掌向空盤

題戴雲颿寒齋味雪圖

一冬不雪天色枯麥壤化塵林渴鳥冷花驟開春與驅蟲失蹊

蟄虬魄蘇寒齋居士額睚肝負抱古雪凌嶽岷不關四氣爲斂  
數十齡羈孤鸞鳳雛釐滄葛製何有無味雪之味苦甚茶欲吐  
更茹回道腴口不謂難神理扶胸中騰幹造化鑪謂雪苦者天  
可誣甘比蠶飴滑如酥益志壯骨澤髮膚醞釀形神成麗儒發  
爲文字光明珠泥淖脫離青紫紆抱我清光城闕趨逢人語雪  
誠區區願同世界歸冰壺各味其味人人殊意乃大疑吾其迂  
暮歸閉門坐歎吁今年大雪彌九衢北風勁吹添凍塗醉臥仿  
佛依菰蒲沈思未許窺妻孥吟聲澀艱甚寒竽獨味其味吾知  
吾溫伯雪子是我徒道孖亦因見雪乎海水驚飛連粵吳失餐  
落箸酒少沽忽忽忘味迷昏瞶雪花欺人來黏髮癸甲之際休  
天誅世獲少安勞

聖謨吟腸暗轉如轆轤仍味其味沫自濡凍句颯颯從風鋪散

不可拾空色俱冷交三五時相娛同味其味糟醜舖謂詩理妙  
窮形摹如冰落弦風埽蕪如寒女姿寒更姝得雪精英脫頑麤  
急宜取取無逸通俾知味者來合符居士笑謝言匪諛小技豈  
必非壯夫平生熱腸強項願得雪理多何可孤清篇不冝付書  
奴越筠萬版墨千銖口吟手寫不自劬更將詩外沈沈意畫作  
寒齋味雪圖

題戴筠颿山載筆圖

門外車聲有底忙酒酣能作次公狂寒齋詩味銷淡雪夜雨歸  
心落點蒼桑梓必恭見風雅山川能說是文章蘭臺諫紙看濡  
染直筆彌爭日月光

閏端午日韓小亭招集龍樹寺作圖紀事

一閏端陽二十年舊游迴首若雲煙梁園韻事人琴杳古寺清

樽樹石圓佛界妙延塵外賞詩懷澹似雨餘天畫圖記取鴻泥

印漫遺花光照別筵

丁亥閏端午余與子毅弟游汗中宴於湯  
藏堂廣文齋今薇翁及毅弟俱作古人矣

潘季玉常博集同人於南星門外之頤園餞陳頌南給

諫頌南有詩次韵奉荅竝酬季玉

晨興趨史館不暇窺我園歸來覽一憩州州沾盤飧潘子翩然  
至其氣如朝暎招邀郭外賞藉滌塵土繁煙波疑梓澤坐客有  
陳蕃方焚柏臺艸言歸海上村吾道有通塞公論無輕軒即今  
黃口兒能誦青蒲言同心難爲懷絮語不及喧鹿鳴感其羣蹤  
迹分吾蜀別思如涌泉瀉向琴與尊涼雨下寥廓清風滿乾坤  
流水而亭宇汨汨知有原蓮花君子性香遠氣自敦且盡今日  
歡盤桓復盤桓

題宋芷灣丈尺牘卷爲戴筠颿作

妙詩長札眼飽經累數千字繁比星當時愛士有特識助哉筠  
飄借籥庭籥庭已矣筠飄健甫脫郎潛來執憲弈弈猶珍墨簡  
多遙遙同證丹心寸豐湖水遠海有煙典型好在資流連樽前  
一掬西州淚引我回頭四十年

題朱芷灣丈賦稿

嘉慶壬申大考

帝京賦丈攜稿過寓見賜今始檢出裝成橫卷

先公執友芷灣老我獲侍書髮朱燥醉中落筆風雨驚破壁高  
牆滿詩州班張賦手寫

帝京榮華天秀聲鏗鯨鐙前手稿出付我謂當攜藻來蓬瀛過  
眼年華疾如駛我甫壯年公遽歿晴川高閣焦先亭大字華星

照江水

晴川閣焦山俱有  
公大字題壁詩



題袁介庵丈海塘籌禦圖爲學山比部作

治河有上策不與水爭地惟有捍海法寸壤不容棄石塘雖堅完剛者柔所忌況越二百年焉能保堅緻嗟茲七郡民日傍蛟龍睡且幸今茲豐那計明年瘁沿海多官職非盡不解事體大識必絀任重力先蹟偉哉袁丈人積優一麾寄雖膺一郡務深維天下計畫行鼃鼃隨夜癘波濤墜捐金辨官民買石別難易時帥有林公當代棟梁器侶率先和衷熟籌見淡議萬聲奮揭興千里風潮避厥後祇增修創物誰爲智丈人雖已矣九郡實拜賜桐鄉永尸祝峴首餘涕淚方今時事殷此其一隅例願將圖畫傳庶風於有位

毛西河朱竹垞兩先生游西湖圖本鄭芷畦所畫後來羅兩峯爲翁覃谿摹之朱野雲爲法時颿摹之羅本治

鄭本朱本又沿羅本余得羅畫韓小亭得朱畫小亭索

詩因書兩圖後

康熙辛巳暮之春同游西湖約七人或三日游或十日

據西河詩譜止

三日游而竹垞詩則約有十日

相逢筍屨鄉中頻寺樓同舍有鄭子湖心柳陰

來寫真顏得二老入圖畫冷落馮顧吳周陳涉筆誤記歲壬午

覃谿據之徒喜新二老詩詞可覆視歲時久地堪詳論錢湖十

詩證圖史南山雜詠披莽榛水仙之祠訪不得高風眺望空遼

巡一扶杖行一挾卷氣含諧煦念嬉嗔當時論議有和諍斷斷

尚書今古文湖山一與滌懷抱鉛槧老去歸真醇兩人百五十

三歲遙遙伏鄭爲朋鄰同游諸子雖麗藻古意默契誰山仲鄭

君作圖有心者箸述固是查厲倫吳興郡志石柱記想就游舫

誼商勤不敢參列顏已像圖尾跋記詞清溫兩峯野雪遞遞寫

三闕相嬲無合分我與韓子各藏皮沿緣覃谿與梧門題詩百  
紙不盡意心香一瓣惟經神家承

賜書吾與子未免逐逐車塵奔及今無成老且至漸忍後來泯  
不聞新秋殘暑送不去叩首前哲餘歎呻題詩湖上舊游徧十  
年回首空煙雲

王曉屏畫菘

斯民不使有此色此味何容一日忘嘗徧官庖官酒味從今更  
覺菜根香

葵莧瓜茄次第餐不勞菜把問園官晚菘獨占三秋氣飽喫還  
宜墨寫着

笑我閒官如老圃土膏風露有餘馨家鄉菜種年年到砌為牆  
根曲象青

夜雨君家窮非曾門前還有打魚曾何年投老相還往閒看雛  
孫上樹能

題五洲圖

北固風煙接五洲初霜時候我曾游千峯急雨如奔馬十里蘆  
花不見鷗棕笠還山成久別雲嵐揮手浩難收畫禪忽向燈前  
證癡墮江南一葉舟

蔡友石先丈歸養餞別圖爲小石題

人生事忠孝出處理易闡每因升斗微致有風木慘又或陟華  
要高位如鷺鷥烏私更難遂恩重縮其瞻我我先丈人陳情  
帝容憇岸車過其歸同朝羨且領故山方榮萱回味比食飯葱  
蔥晚香莊板輿來憩覽時作嬰兒嘅白髮儼垂髯養終不再出  
孝思自視欲平生無歧嗜書畫飾錦贖卽今墨綠堂炳炳峙珉

樂惟其淹雅性夷潔無點黜濟時作邦楨任事有一敢一朝賦  
來諗名位泊而澹屈伸進退際流行止以坎中懷默爲樞羣語  
無可撼江南水如鏡諸岫明茵菑豈真繼林壑何遂老葭莖虛  
疴順自然萬景入寢噉丈人今已矣宿州悽碧談耿然古情性  
光氣如可掣當年獎契淡見詡同耆歌蒼涼展遺圖淚滴墨爲  
黠

書姜開先畫冊用蘇齋韵開先名承宗其姓一姜一宗  
姓宗名灝姓姜名承宗實一人也陳壽卿藏此冊屬題  
衍庵卽衍園畫有南宗禪於宇寓微尙廬山之開先巨眼老宗  
伯位置吳黃閒我但覺畫妙未暇涉言詮自從五年來不見江  
南天橫燈矮於枕正好敲眠看有時一笑起著我湘浦船是由  
古情性化作真雲煙安得州堂圖翩然來几前鐙燈證畫脈摩

詰定開山

冊中陳眉公題曾見盧鴻乙州堂圖知摩詰畫脈所  
自來散韻蕭江龍眠襄陽勝國四大家證繪相傳至

也  
開先

黃端木先生萬里尋親圖冊爲李寄雲前輩作

荒煙黯黯孝子面危峯嶢嶢孝子骨繁星苦霧孝子淚懸流迴  
湍孝子血冰雪嵐瘴霜霖風足踟萬險心騰空山亦不能爲之  
盡水亦不能爲之通烏乎山有盡兮水有通孝子之孝與人將  
無同山無盡兮水無通孝子之孝迴闕於蒼穹蒼穹高高孝子  
渺冥持默護侍二老還家舞衣二十年迴想去來蹤了了試寫  
一幅心先奇再畫兩紙神爲疑八幅十幅數十幅如駭如笑如  
顛癡傳之千百年後世孝子之畫非畫師古來多少丹青手可  
憐生氣何曾有孝子之畫非畫師說與畫師能解否根淡寶茂  
花葉舒畫者況是藝之餘文字勛名照天下不關忠孝飾虛車

題龍樹寺蕪葭移圖

葭爲蘆與葦蕪爲蕪與莢細葭華粗同依川澤產若稽爾雅  
文其萌皆曰蘆於義爲權與厥音爲繼續音繼以其瑟瑟

形復有蕭蕭響增人望遠情心目同一往秦人賦秋水懷賢周

道仰令我亦何爲根觸憶者長涕惟少壯年八表平蕩蕩諸老

退食餘閑上恣吟賞莊開尺五近亭接陶然傲惟城西南隅野

寺紛在掌每當春秋禊勝地集輪鞅說經印源流論古入元象

酒社極雍容詩壇紛決盪高談搖樓臺幽思竄菰蔣風流自接

續儒雅重吾黨誰期十年來時事難撫仿彫零歎老成挫鬱有

忠讜文采遂蕭索園亭多廢莽南然亭地尺五壯荒我時驅車至風日明

曠晃槐龍有孤根蔭美節則在寒僧邀看菊對酒意多強蕪葭

浩無際依然似疇曩前日秋風來怒捲波混漾昨日繁霜下離

披互依仗悽然感今昔俛仰空蓋壤如何不懷思懷思成惚恍  
乃知繾綣義古語發今想浩蕩江湖天何時理歸榜

送鍾官城比部歸養

長安滿落葉西山隱寒暉鍾君忽似裝舞綵趨庭聞自從結清  
鄰庭樹連芳菲披衣有談笑論古忘寒饑藉聞庭誥盛治諧龔  
黃希本其蘊道實敷爲大用腓早退復超邁高情不受鞿兼有  
內助賢鹿車挽依依怡然遂忘老不覺借古稀鍾君本家法學  
宦無脂韋藹然孝弟容發爲文章輝賢哉以善養眉壽不待祈  
遙知倚閭笑笑拂游子衣朝賢富詩句滿載瓊瑤歸

王雁汀贈蛤蚧示子敬弟

丁未

粵山直叢叢何以產蛤蚧山中太初氣如須彌納芥陰陽非二  
氣感應止一嘖微蟲秉其靈鳴躍託山隘想當沕穆世人類等



羽介雌雄自相因氣血無痺瘵自有先民智  
凡開天畫百爲方萌生七情各騁快勞生既多途  
生理乃爲懈創興禮儀肅以爲起居械防欲欲  
乃盜衛生生易敗造化一小兒竟爲神聖賈  
不見比翼鷦亦有比目鮫乾坤大父母是生六子卦兩儀有常  
形少見乃多怪浮生去古遠守身凜前戒跬步有不敬百疾從  
此屆眇茲微物性靜悟得懸解同生天地閒氣候別復吏羨汝  
居澗山艸昧自成界吾儕墮人事外莽中先德藥力故相資枯  
腊入煎蘊於人何所尤用乃等蜂蠶吾弟宜慎旃古方有法戒  
諄諄太史詞善言聞則拜

題吳荷屋師手撫高房山山邨圖卷

有水皆可樓有林皆可屋但懷瀟灑志未妨在天祿憶昔又一  
村待賞重陽菊文章事業餘歸心時往復公餘肅有念悄若鶴

立獨後來賦遂初南海有盤谷平生松桂操不負故山木公乎  
今已矣遺編爛盈目手撫山村圖著墨少愈足余懷一慙然幽  
居幾時卜

爲林鏡颿題許甌香先生畫冊

冊爲健翁大宗師作其子月谿購於浙中孫雪村乞

國初諸老題詠王漁洋詩云甌香真擅八閩風蒙叟題詩  
論最公今日濤園圖畫裏重教流恨滿江東注云牧翁  
撰吾炙集寄余詩云此集因許有介而作八閩風先生  
句也此事四十年往矣石林卜築此幽棲浩劫重新路  
未迷仿佛風流吟七字野航人遠鴈聲低注云櫟園侍  
郎示余名人畫冊有有介先生題句云云余深愛之今  
亦四十年矣後題康熙己卯花朝前四日玩漁洋詩意

蓋因先生高行不能無慨於錢周也雪村而後不知何  
時復失此冊至先生六世孫香士舍人復收得之其七  
世孫熙亭孝廉轉丐林鏡編修持示索詩余自見櫟  
翁讀書錄卽急欲見先生畫幸獲披對又感漁洋詩意

輒成一篇

昔讀滅齋讀畫錄友翁愛寫娟娟竹渡黃河北心挽縱變作蒼  
寒萬枯木今觀此畫殊不爾筆勢數映秀堪掬山雲忽作破蓑  
破江石復肖禿翁禿錄下山妻補破蓑村南老禿翁皆冊中題畫句也濃嵐厚嶂酣有

餘窠石疏蘭清亦足野航疑載鴈聲來用漁洋題句意荒樹全迷鴉陣

蕭始知道放本精微想見高懷媚幽獨早師鵬寶學用世晚寫

淵明詩滿屋三山風雨助吟嘯萬態煙雲隨起伏蠶尾詩題浩

劫餘四十年前情往復蒙交櫟園應媿夙畫裏滄桑那堪讀當

時繚楮付零墜賴有佳兒重購蓄誰期畫妙更通靈劍去珠還  
傳世六承家守器不厭愚傳笏傳硯誠區區何如煙墨手自寫  
更有妙翰新詩俱恨我昔持閩海節未訪夕佳樓在無今晨展  
畫發遙嘅宛見掀髯孤鶴孤自聯海岳千年契不入梅村九友  
圖

與張受之論刻石用坡公墨妙亭詩韵

學書還筆如邱陵心志自下氣力騰懸臂兀兀集古鬼凝眸炯  
炯來秋鷹使筆欲似劍鋒正殺紙有聲鋒有稜因書頗悟刻石  
理大異削脂與鏤冰刀尖所向石魄碎吾氣正直神依憑鋒宜  
方銳精緊穩耶入怯出皆所憎古來金石大刻畫薄楮拓傳厚  
似繒其中無巧但有拙信乎從善難如登叔未張翁金石學儀  
徵師相久所朋從子侍側解輪斲兩翁笑落扶老藤儀徵論書

重北派象分一氣如傳鏡摩厓勒碑理視此吾期與子同肌膚

劉壽國畫儀徵師與叔未翁像  
師書後齊侯器歌即受之所刻

澁懷園詩廊故司農程春海師所構

園屋南鄉因迎陽乃鑿北窗連水光屋北之水少見日易夕難  
曉六月涼其閒靜理有萬族蒲荷艸樹同蒼茫樹頭鳥聲特幽  
脆石根蟲語皆堅蒼澁懷之園本天上

內廷儼直玉佩鏘歸來還思亭宇覩尊彝屏几爭輝煌此閒一  
物無可著僅容茶角兼筆牀司農吾師發幽想謂宜賦詩與置  
廊當時海宇正清宴賡歌喜起如虞唐十年一曠成故事水外  
似有吟聲長

吳勿庵丈邗上艸堂圖次原韻

逢山卽躡屐遇水輒命權高深能娛人何必吾土好頽中棲六

一陽羨遲坡老豈徒曰達觀此意知者少西冷吳丈人吟毫萬  
象繞官躋卿月班詩愛谷音艸平生濟時願思澤羣生槁頤其  
澹蕩性又欲歸休早邗上偶卜居幽築未嫌小看山健吾行末  
疾焉用禱

魏春松丈官舫侍膳圖爲條珊親家作

溇通江淮吳城邗改道馬瀨始建安歐陽邵伯晉兩埭開皇創  
引茱萸灣南高北下古如此洪澤淤高反是矣河不由湖湖夾  
河兩旁設閘鄰湖水水行緩緩風翩翩綠楊兩岸青可憐使君  
精敏了公事官舫化作家門船跪聆嚴訓親潔膳須麋豕服孺  
子面晴山煥樹愉婉色野鳥游魚性情見從孫農部我世姻示  
我圖畫色尙欣五十年前古墨潤秋堂展出淮南春我曾持節  
閱茲地其年先公典京試衡文佳語良罕聞侍膳奇緣卻難例

卷中諸老誰揆驪秋禽隸寫章谿詩人閒忠孝相關處天意江

山有夙期

小松司馬摘羣谿閣學詩中句爲先生作八分楹聯條瑯甚珍之謂余能作詩者當以此聯見贈也

龍香御墨詩爲潘季玉作

有明隆慶朝善政不勝錄楊沈子贈廕海公先出獄堂堂張江  
陵特鑿自講幄賢輔貽後嗣乾坤爲轉軸惜哉仁厚主睿齡才  
卅六一劑龍香三百季想見幾餘硯波馥曹公石墨空兩鬢隋  
宮萬斛拋蛾綠豈如規圓三寸徑珍祕流轉等球玉鬼神呵護  
歸詞人芑堂得之傳未谷諸公題賞更矜重後有翁孔前吳陸  
吳門公子又何賢重與包纏宮錦縵傳觀索詠先到我展諦惟  
防手汗彌詩成一笑墨磨人走向東鄰醉看菊

適王雁行學士招飲賞菊

十月十四日拜潛邛先生生日於荐露書屋呈主人張

石州及苗仙露呂鶴田馮魯川楊藹亭王子懷何願船

時余甫於厥肆得古文尙書疏證五卷寫本後有潛印  
自跋云五十三歲屬閏中謝君畫禮堂寫定及傳與其  
人二圖秀眉明目觀者咸以爲康成不知實以余像代  
之云云余卽以入詩石州見之喜極詫曰作年譜時爲  
何不見示余曰前日才買得爲今日拜生日詩料耳大  
奇大奇是豈尋常翰墨緣邪直是先生精靈來感發託  
付矣敢不承敢不承吾與石州勉之護之

五月廿八顧子壽十月十四閻懸弧月日盈縮宛相應二子學  
術固合符亭林祠堂夏雨潤羣賢紳佩來于于今晨盍簪八人  
耳葺露書屋酒在壺主人晉產語座客吾敢有私閻子乎潛卽  
樸學務精鑿與顧博大體略殊遺書讀者或頗罕何事繁敦紛  
招呼同心者學得數子景仰亦覺道不孤貴從微尙審得失難



與俗子論肥癯我思此語未云盡理固有漸事有需昔年願諧  
述且作甄輯前滌車徐胡今年閩諧君勗構急墨諸版祁司徒  
兩君生平甘載隔二譜竝出相唯俞它年承學檣覽揆略似夏  
歐冬則蘇余惟潛邛少也魯成童頓握靈蛇珠日程月課劄記  
作四十乃敢朶見敷尙書古文破積矣每一卷就多踟躕華頂  
羅浮早藏虔禮堂寫定先製圖圖成五十有三歲後至易簣功  
仍劬艱難審固無此比心力眞挾金石俱精神不朽可百世自  
亭林外孰竝驅將來禮官上論列宜侍

聖廡馨鵠觚辨生末學冀速化浮漂慨似風中蒲太原經神有

繼軌主人碩舟今碩儒

碩舟昔游江南余附書寄阮太傅師師復書云碩舟乃碩儒也

表章前

哲啟後焦薪以火傳鼓應枹良辰敬效拜經義秀爲明目奚從

摹聞中謝子不可作何不且倩吳門吳

謂吳冠英

我生半百百不就

隻義偶獲嗟已腐門前車聲疾如雨書卷恆被塵土汗寒齋展  
侍氣一肅敢不十駕勤鞭駑

爲潘星齋題戴醇士畫冊

盈楮必盈墨盈筆兼盈思萬事盈勝滑此語學道資溫溫鹿牀  
子於畫乃發之醇翁爲我畫冊因紙盈今爲潘子作又以不盈

爲漸巖見精采修潔生華滋江湖天渺渺泉石風猗猗想其落  
墨意淳蓄有餘姿潘子使滇歸擊有飛雲奇萬變象造化天馬  
豈受羈鹿牀相視笑如木宜就規且當務精實未用追嶮崎我  
性益有畫才分苦不隨覽古涎滿頰握筆指如槌小窗雪月夜  
抱冊幾成癡歎息還遣去聊爲疥此詩

十二月十三日陳恪勤公生日黎樾喬侍御劉佩泉舍  
人袁漱六編修招同曾滌生閣學黃琴鵬吏部胡光伯

周苻農孫芝房三編修徐可廬大令展拜於湘潭邑館  
屬戴醇士侍郎畫公手植古槐圖徵同人詩敬賦長句  
聖清楚南二百秋名臣第一陳滄洲忠誠懇款爲

國謀捧赤心奠黃河流

聖祖睿公借箸籌披張與靳非可儔人皆欲殺

恩益優入職治書出建旂嗣逢

憲廟初垂旒鞠躬盡瘁

天顏愁一節終始無瑕尤烏乎甲子僅一周綜惟勁節兼宏猷

炳炳國史聲光迺

兩聖特達益有繇匪尋常於幹事求當時詩案紛戈矛不罪而  
功

鑿盟鷗內志澹定骨靡柔能視富貴浮雲浮燕處超然閱蜉蝣

筠筵日向巖巒投石村濤谷先人樓水東魂寤勤鋤耨衡雲泱

萍湘清瀏窮高攬秀輕公侯好奇蚤作閩中游鼓山陟顛見琉

球武夷去躡虹橋幽仙心澹蕩不自由小詞頗學黃涪州壯年

作合柯山陬石梁仙枰溼龍湫西湖小艇追輕儻錢塘觀潮弔

錢鏐嗣乘五馬鳴八駟及再入獄再出囚東南山水供吟眸有

奇必發祕盡抽大茅山穿句曲句再登北固懷蕭劉焦山鶴銘

字如虬二千年與濤瀾仇拔石出水回萬牛江風海雨空相揆

祝江勸亭考辨同稽諷汪張圖記徒咿嚶我曾閩海乘使輜游

蹤盪恣差與伴余使閩登鼓山絕頂游武柯山祠字蕭薦羞題

句在柱當歌謳余過西安游爛柯山謁公祠題櫻聯云大鳥三

來又曾屢向松寥休氎椎磊落自裹兜波光石氣侵衣禱余每

拓山必寺想見古懷浩不收養成大節中優游餘事包羅蘇米歐

詩聲玉磬書銀鉤零縑破扇珍藏句

余藏公書一冊三

擬購貞石與雕

鏤中湘諸子多枚鄒編年譜月方甄蒐

公年譜

先後遺集

琳瑯璆何不藉手竝輯哀快須完取千金裘

道榮堂全集中湘

邑館如置郵公題麓舫與虛舟

武英再直金匱紬寶久寄此同拙鳩手植槐棗蒲桃榴園丁送

花列畦疇還食歉傲遣煩憂城西好友富唱酬百三十載如泡

漚棗花香空槐蔭留槐根礪砢枝蚴蟻清風竟日聲颼颼時有

野鳥來嘲嘲江湖遠意懸悠悠想公電目須輯彭時坐樹下靜

校讎亦攀庭柯掉吟頭宜撫畫燈傳詩篋思人愛樹示不媮覽

揆良辰潔脯脩中榆戒寒酒新鶴主賓展拜肅容講十人圍坐

相綢繆豈徒得食鹿鳴叻遺文在案酒注甌

懋喬前輩攜全集示客快飲

莊讀頑懦廖何殊侍側衣同摳元化混混無停軻才俊接續如

薪標誰安鶩塞誰驩駟後賢可不承前修欲雪未雪寒雲稠有  
鶴南飛過巴邛石潭敞廬無恙不東山霧雨滋松楸公墓在東霧山

香光畫青山白雲圖竝題云青山白雲父白雲青山兒

白雲終日倚青山不自知陳勾山木僕題云此罔極之  
思也又香光書禪語一段有云往生經云人外聞一佛

名號皆可解脫諸苦此書及畫皆爲條珊親家所藏條

珊合裝成卷余覽之愴惘不能自任時丁未大寒呵凍

白雲青山兒青山白雲父此語果何謂讀畫成悲楚孤兒有父  
不如青山父雖有兒不如白雲青山白雲自終古父兮父何  
處所聞佛名號脫諸苦念佛千聲竟何補捧圖還君不能語兩  
人相看淚如雨